



靜脩詞

平生不許人間事

長安西

容城劉因

夢

水調歌頭

國

一諾與金重，一笑對河清。風花不遇，真賞終古。

未全平。前日青春歸去，今日尊前笑語，春意滿

西城。花鳥喜相對，賓主眼俱明。平生事，千古

意兩忘情。醉眠卿且去，我扶我者，有門生。窓下

煙江白鳥，空外浮雲蒼狗，未肯便寒盟。從此洛

陽社，莫厭小車行。

念奴嬌

飲山亭月夕

天

廣寒宮殿想幽深，不覺升沉圓缺。天上人間心
共遠，如在瓊樓玉闕。厚地微茫，高天涼冷。此際
紅塵歇，翠陰高枕，併教毛骨清徹。為問此世
從來幾人吟望，轉首俱煙滅。蟻蝨區區，尤可笑。
幾許肝腸如鐵，八表神遊一棹高汎。逸興方起，
絕帶娥留待桂花，且莫開徹。

其二 憶仲良

中原形勢壯東南，夢裡譙城秋色萬。水千山收
拾就，一片空梁落月。煙雨松楸，風塵淚眼滴盡。
青青血，平生不信人間更有別離。舊約把臂

燕南乘棹，天上曾對河山說。前日後期今日近，
帳望轉添愁絕。雙闕紅雲，三江白浪，應負肝腸
鐵。舊游新恨，一時都付長鈇。

玉漏遲

故園平似掌，人生何必，武陵溪上。三尺篔簹衣，遮
斷紅塵千丈。不學東山高卧也，不似鹿門長往。
君試望，遠山顰處，白雲無恙。自唱一曲漁歌，
覺無復當年，缺壺悲壯。老境羲皇，換盡平生豪
爽。天設四時佳興，要留待，幽人清賞。花又放，滿
意一篙春浪。

鵲橋仙 喜雨

紆于生處幾時飛去、欲去被天留住、野人得飽
更無求滿意、看一犁春雨、田家作苦、濁醪釀
黍、准備歲時歌舞、不妨分我一豚蹄、更試聽、清
秋社鼓

其二

悠、萬古茫茫、天宇自笑平生豪舉、元龍儘意
臥床高、渾占得乾坤幾許、公家租賦、私家雞
黍、學種東臯、煙雨有時把膝看青山、却不是、長
吟梁甫

木蘭花

未開常探花開亦又恐開時風雨至、花開風雨
不相妨、說甚不來花下醉、百年枉作千年計
今日不知明日事、春風欲勸座中人、一片落紅
當眼墜

瑞雲 其二

西山不欲龐公傲、城府有樓山、便到欲將華髮
染晴嵐、千里青、濃可掃、人言華髮因愁早
勸我消愁、惟酒好、夜來一飲盡千鍾、今日醉來
依舊老

其三

錦雲十里川妃供，一棹晚涼風款送。只愁無處著清香，滿載月明船已重。冰壺水鑑元空洞，天意似憐紅翠擁。併教風露入吟尊，不惜秋光渾減動。

菩薩蠻

為王文利夫壽

吾鄉先友今誰健，西鄰王老時相見。每親說先公青容在眼中，今朝故人子為壽無多事。惟願歲長豐，年年社酒同。

其二 飲山亭感舊

種花人去花應道，花枝正好人先老。一笑問花枝，花枝得幾時。人生行樂耳，今古都如此。急欲醉莓苔，前村酒未來。

其三

元龍未減當年氣，呼山卧向高樓底。今日到山村，青山故意昏。商歌聊一振，千里浮雲盡老。子氣猶豪，山靈未可驕。

清平樂

飲山亭留宿

山翁醉也，又逐黃茆舍。醉裏忽聞留我者，說道群花未謝。脫巾欲掛松龕，覺來詩興方酣。欲

借白雲爲筆，淋漓洒徧晴嵐。

瑞望

其二

青松偃蹇，不受春風管。松下幽人心，自遠驚怪。
人間日短，微茫雲海，蓬萊千年一度春來爭。
信門前桃李年，花落花開。

其三

青天仰面卧，看浮雲卷蒼狗。白衣千萬變，都被
幽人窺見。偶然夢到華胥，覺來花影扶疎，窓
下魯論誰誦，呼來共詠風雲。

其四 賀雨

雨晴蕭鼓，四野懽聲舉。平昔飲山今飲雨，來就
老農歌舞。半生負郭無田，寸心萬國豐年，誰
識山翁樂處。野花啼鳥欣然。

其五

碁聲清美，盤薄青松底。門外行人遙指似好箇，
爛柯仙子。輸贏都付欣然，興闌依舊高眠。山
鳥山花相語，翁心不在棋邊。

瑞望

人月圓

自從謝病脩花史，天意不容閒。今年新授平章，
風月檢校雲山。門前報道麴生來，謁子墨相。

看先生正爾天張翠幙山擁雲鬟

其二

茫茫大塊紅爐裡何物不寒灰古今多少荒煙
廢壘老樹遺臺太行如礪黃河如帶等是塵
埃不須更嘆花開花落春去春來

太常引

男兒勲業古來難歎人世幾千般一夢覺邯鄲
好看得浮雲等閑紅塵盡處白雲堆裏高卧
對青山風味似陳搏休錯比當年謝安

其二

臨流相喚取東坡君試舞我當歌不樂欲如何
看白髮今年漸多青天白日斜風細雨盡付
一漁簑天地作行窩把萬物都名太和

其三

冥鴻有意避雲羅問何處是行窩今古一漁簑
收攬了閑人最多求田問舍君休笑我兩鬢
已成皤髀肉盡銷磨渾換得功名幾何



風中柳

飲山亭番宿



我本漁樵不是白駒空谷對西山悠然自足北
窓疎竹南窓叢菊愛村居數間茅屋風煙草



倚滿意一川平綠。問前溪、今朝酒熟。玉泉歌曲，
清泉琴筑。欲歸來、故人畱宿。

西江月 送張大經

留。在平生。落落休嗟。世事滔滔。青雲底柱本來
高。立向頽波更好。一片花飛春減。可堪萬點
花飄。江花江月可憐。宵莫賦招魂便了。

其二 山亭畱飲

看竹何須問主。尋村遠認松蘿。小車到處是行
窩。門外青山屬我。張叟臘醅歲久。王家紅藥
開多。相畱一醉意如何。老子掀髯曰。可。

南鄉子

題外舅郭氏畱耕堂壁上

方寸足畱耕。大勝良田萬頃平。陰理不隨陵谷
變。分明霜落西山。滿意青。千載董生行。雞犬
昇平畫不成。終日相看天與我。高情身外浮雲
自古輕。

其二

窓下絡車聲。窓外兒童課六經。自種墻東新菜
茨。青。隨分杯盤老幼情。千古董生行。雞犬
昇平畫不成。應笑東家劉老子。無能縱飲狂歌
不治生。

朝中措 賀廉侯舉兒子

金張家世費貂蟬，七葉侍中冠。若就詩家攀倒，
生兒合喚添官。憑誰寄語，廉泉父老，斗酒相
歡。今歲孫枝到長，甘棠消息平安。

臨江仙 賀廉侯舉次子

四海荆州吳所愛，虎賁誰似中郎。小孫今擬喚
甘棠，添官前有例，蕃笏看堆床。明日乃歸
舊隱，故園喬木蒼蒼。青衫竹馬，鴈成行。當年廉
孟子，應有讀書堂。

其二 送王從事

行色匆匆緣底事，山陽梅信相催。梅花香底有
新醅。南州今樂土，得意即銜盃。君見太行憑
寄語，雲間蒼壁崔嵬。平生遮眼厭黃埃。高樓吾
有興，毋惜送來。

喜遷鶯 乙亥元日

春風滿面，是胸中春意，與春相見。不醉陶然，無
人已笑，况是一年清宴。窮兒挽鬚學語，爨婢舉
盃重勸，道惟願負常圓。聚老常康健。二十七
年，世事經千變。今是昨非，春恩花柳，消盡冰霜
殘。怨門外曉寒猶淺，門內外垂簾，休捲燈花軟。

酒香濃趁歌聲試輕輕啣

蝶

菩薩蛮 迴紋

水圍山影紅圍翠翠圍紅影山圍水西近小橋
溪溪橋小近西 隱人誰與問問與誰人隱孤
鶴對言無言對鶴孤

靜修初有蓮影而為注泊石底靜修

二字

靜脩詞終

補
內有
滄浪詞



滄浪詞

蒲江紅

闕

送廖叔仁赴

滄浪嚴

羽

儀卿

日近觚稜秋漸滿
蓬萊雙闕錢塘江上潮頭如
雪把酒送君天上去
瓊琚玉珮鸚鵡列丈夫兒
富貴等浮雲看名節
天上事吾能說今老矣
空凝絕對西風慷慨唾壺歌
闕不洒世間兒女
淚難堪親友中年別
問相思他日鏡中看蕭蕭
髮

沁園春

為董叔宏賦
溪莊

問訊溪莊景如之何吾爲平章自月湖不見江
山零落驪塘去後煙月淒涼有老先生如梅峰
者健筆縱橫爲發揚還添得石屏詩句一段風
光主人雅興倡狂每携客臨流泛羽觴想歸
來松菊小煩管領同盟鷗鷺未許相覓我道其
問如斯人物只合盛冬白玉堂還須把扁舟借
我散髮滄浪

靜春詞目錄

聲聲慢 二首

臺城路 二首

高陽臺

木蘭花慢 二首

憶舊遊

南鄉子

江城子

菩薩蠻

八聲甘州

南柯子

燭影搖紅 二首

減字木蘭花

念奴嬌

洞仙詞

摸魚兒

江城子

浣溪沙 四首

醉花陰

解連環

蒲庭芳

南柯子

靜春詞目錄畢

靜春詞

吳郡袁

易

通甫

聲聲慢

壽張仲實

籤芸垂砌帶草榮連一庭生意天寬半捲書帷

絃歌畫水人閑西冷軟紅自遠對森森喬木蒼

寒拈綵筆洒雲烟零亂飛度吳山 穀雨初收

時候向魏紫屏幃舞袖爛斑更喜今年濃恩為

染羅襪傾盃燕鶯院宇擁神仙綠鬢未顏春似

錦駐風光都在牡丹

喬木所居亭名

又

壽金桂軒時
有入道之意

宿雲不卷輕雪初銷乾坤正迥冰霜清入萱叢
誰知春在華堂潘輿笑觀戲彩動星文兩輝
煌堪羨處看春枝棣藹蘭秀芝芳 賸占人間
家慶甚興高泉石耳倦絲簧見說瑤池玉娥爲
剪霞裳神仙有緣自得且徒教笙鶴翱翔聊待
我更花前沉醉幾場

臺城路 壽戴剡源

湖山青倚東風外天呈畫圖嵐壁竇瀑流雲溪
源漱玉人物冰壺同色清才賦筆卷千頃秋溟
素濤飛入笑睨西湖漸烟零霧半篙碧 貞元

朝士未老舊家供奉曲前事休憶芹藻官清絃
歌興遠花底綠尊頻側虛亭晝寂愛晴影宮堯
翠陰狼籍見說長生盡從閑裡得

剡源亭名

又 和師言送春

柳

落紅填逕東風惡貪飛燕離暎聽雨樓低留
春地窻誰念閑情消滅天涯漫覓正鷗渚波寬
柳汀雲黯賴有遙峯數尖遮斷送愁眼 年年
春草又綠看花人自老遺恨天遠鴈柱凝塵鮫
綃暗墨青鬢吳霜輕點風流漸懶但詩惱東陽
病添中散院落無人綉簾和絮捲





高陽臺 寫鴛菊

浴水雕翎，眠沙綉羽，天然宜在滄洲。翠被餘馨，涼宵陡頓，驚秋妖姿不共。流年謝帶，曉魂飛上枝頭。任烟波、芳少淒涼，分付輕鷗。金英濃露，總收誤，芰荷翻雨。殘夢悠、陶令歸來，十分芳意。誰酬惜花長是，招花惱，况動人名字。風流黯銷凝，添得東籬一段閑愁。

木蘭花慢

九月一日與良及南山上人遊張氏廢園見海棠數枝蓋為寒良發也

對荒臺老樹，雲物澹水，容清更犀。慶玄談踈髯

長嘯地，此逢迎。坐并故多俊傑，看賦詩鞍馬氣，綵橫畫擁金狔。傍柳夜呼銀甲，彈筆齊奴錦去。綠蕪生歌院，鎖蟲鳴，問斜日秋光，猩紅睡魄。知為誰醒，盈倚墻弄色，更無言。向客最含情，折贈何人雲鬢。今宵腸斷西冷。

又 喜玉田至

渺仙遊倦跡，乍玄圃，又蒼梧。甚海濶天長，月梁有夢，鴈足無書。冷然御風萬里，喜錦袍還對紫霞裾。一自黃樓賦後，百年此樂應無。蕭閑吾愛吾廬，花淡竹疎，更歲晚生涯薄。田二頃。

其橘千株諸君便須小住比桑麻杜曲我何如
不用南山射虎相從濠上觀魚

憶舊遊 元夕雨

記笙歌茂苑綉錦吳飲京樣風流夜弛金吾令
正籠紗競陌霧暖春柔翠蓬閣苑移下花影一
天浮任畫管催更玉繩掛曉猶醉西樓 回頭
事如夢柰杜牧多情難忘揚州小雨重門閉但
簷花敲句燈影籠愁黛雲暗鎖粧鏡不是玉娥
羞怕倦客今宵憑欄見月懷舊游

南鄉子 十月海棠

酒暈映朱唇離畔嫣然別是春笑殺當時飛與
李紛紛只作東風一窖塵 霜月夜寒新睡起
斜紅懶未勻誰道風流飛燕去無人更有香肌
不粟身

江城子

爛鋪蜀錦寫烏絲憶傾危燕來時猶記半暄雲
袖見凝脂燕子只今何處去庭院悄悵心期
綠蕪凋盡衆芳遲弄仙姿瞰方池墮井殘粧依
約景楊妃不比春宵常苦短判剪盡燭千枝

菩薩蠻 和天海賦

朱唇初注櫻桃小，逞嬌態，占東風。早似妬臘前，梅百花頭上開。絳雲生，夜暖卯酒醒時，最怕淚闌干，何須帶雨看。

八聲甘州

僕與湯師言金桂軒張叔夏唐月心諸君為至交師言以

一官在千里之外僕又驅馳南北九月望後夜泊吳江長橋有懷諸友在吳下時得相周旋今各一方意緒惻愴為賦八聲甘州二闕以寫倦倦之意故夏於酒邊喜歌自製樂府故末章及之以資他日一笑云

正丹楓亂葉舞詩情，驚鴻起汀洲。對蒼茫獨立，江山如此，羈思悠悠。尚憶幽坊小檻，笑語月侵樓。誰遣樓心月，來照行舟。波影沉雲如鏡，向

滄浪喚酒空濶，呼鷗縱并刀，堪剪還解。剪離愁待歸來，輕謳淺醉，想舊時張緒，轉風流。却說與虹橋，今夕一片清秋。

南柯子

僕慕呂勉夫陳天民之為人舊矣此一首相會酒邊僕因誦向

所寄張玉田詞二公欣然屬和遂口占小詞為謝酒闌更唱迭和忽以成卷漫錄之以為再會嘉話云

賣藥韓康伯，還丹呂洞賓。相逢况有葛天民。笑殺神仙，元只在紅塵。賦就甘州曲，驚回池上人。怪君那得筆如神。割我一川秋色，一江雲。

再用韻

跌宕騎鯨客，逍遙跨鶴賓。重來休嘆舊，人比擘脯傾杯閑。話海揚塵，愧乏雙金贈。難酌兩玉人。陽臺仙女水，為神乞與空齋。孤枕夢行雲。

再用前韻

綠酒忘年友，黃花入幕賓。狂歌鼓腹混堯民。冷笑世間名利細如塵。二妙真無敵，千篇轉逼人。蛟龍驚避，噤無神。爭得呼為風雨吐為雲。

燭影搖紅

春日雨中

柳塘

日日春陰，瑞香亭、寒成陣。鳳靴頻誤踏，青期寂寞。墻陰逕，翠被堆床未整。睡初酣，風篁喚醒。

幾多心緒，鵲語難憑，燈花無準。得病澆愁，舊愁不去，添新病。吳綾題滿，斷腸詞，歌罷何人聽。寶篆香消，畫水裊餘烟。蕭蕭鬢影出門長。嘯白鷺雙飛，清江千頃。

再用前韻

二月江南，亂鶯縈攬，飛花陣。今年春苑，淡如秋。疎柳閑三逕。塵網么絃待整，怕離愁琵琶話醒。牡丹猶未，杜宇休催，東君歸準。賦筆才慳，故人能寫蘭成病。中流獨自扣舷歌，空有魚龍聽。娃館琴臺路，永定何時追。隨帽影，斷崖歌樹，蔓

草平烟憑欄俄頃

減字木蘭花 銷金菊

芳鈿簇、曾印鮫綃裙六幅萬朵天眞我是東
籬富貴人、霜寒睡起移就淺斟鴛鴦底買斷
秋雲判得黃金土價同

念奴嬌

莫雲樓閣送悠悠今古飛鴻明滅歌到黃蘆洲
亂吐點綴微茫殘雪淺水灣碕踈籬門逕淡抹
牆腰月灞橋清思向一人片愁絕 堪笑滕六
羞慵三年刻楮慳放玲瓏葉爭得并刀雙練帶

裁出春風千層重按瑤華新翻白字無趁金釵
節玉龍擎重爲予飛動鱗鬣

洞仙詞

去冬無雪新歲乃稍見正月
二十日又大雪於是立春七日

矢僕與勉夫對坐
蕭齊即景漫賦

江楓汀樹掛寒雲零亂天濶誰填莫愁滿散玉
塵千斛粧點柴門堪笑處天女多情恨賦 灞
橋絲樣柳恰試鴛黃笛裏東風便吹斷莫話剡
溪船乘興歸來早開了落梅庭院愛撓占西園
傲飛卷又不道春光暗中消減

摸魚兒

正月九日勉夫暫入
城田賦寄之

囊空濛、凍雲如墨、忽忽人在南浦、灞橋蹇步、
愁却迎與快帆、輕艣堪恨、處正短燭、燒殘未刻
西窓句、荒林斷、奔便、閑了門前、近人鷗鳥、此意
向誰語、行藏事、盡道曰天也、悟流萍、忽散還
聚、玉釵春漲、葡萄綠、草擗千觴、飛羽君聽取、怕
越客燈宵、留滯吳蕭鼓、江村夜、來共倚寒梅、
吹香弄影、壁月照琪樹、

瑞

江城子

余與勉夫應酬人事之餘、頗浮
沉於詩酒、或者訝其廢事、以為

語及此、吾二人抵掌大笑、就口占、

一城子

江雲漢、水潺湲、掛蒲帆、水雲間、更有何人得
共此時、閑說與、紅塵須左、辟明鏡、裏白鷗、還
天風吹面、雪消殘、為春寒、放梅、慳、咫尺吾廬、稚
子候柴、關幾首、新詩、千斛酒、人道我、轉、癡頑

浣溪沙 和勉夫四首

一月寒陰不放春、打窓風雨大頻頻、竹床仰臥
看承塵、客去紙殘書葉亂、愁來獨有酒盃親、
鏡中白髮不饒人、

又

江上芹芽短、試春去、去年燕子定巢頻、數朝風伯

但清塵、莫問孟桓誰駕御、只緣嵇呂自情親、平生我亦不羈人、

又

釵燕啣、將縹緲春十分、春恨入眉頻、粉綿休拭、鏡奩塵、葱指試、拍瓊管、怯綉衾、翻與獸爐親、為題閨怨、定愁人、

又

鞭罷泥牛、無好春、草青空入夢中頻、從今更有二分塵、我自醉眠、那問客、身猶如寄、更誰親、百年同是可憐人、

北風入松詞也

醉花陰

和張玉田
元夕

綵鰲仙、樂響空明、前度鳳來迎、月圓月缺、年年事、是今番特地、關心、五夜重判、爛醉三分、尚有餘春、玉壺寒沁一天星、車馬氣如雲、籠紗籠、逐香塵、暗笑幽人、門掩花陰、未見山中曆日、夢中池草、先青、

解連環

與金桂軒
虎丘送春

燕忙鶯寂、驚千林稚綠、半灣新碧、試送目、官柳河橋、便携酒、餞春去、應無迹、岸曲殘英、尚勾引、行舟攀摘、柰荀香、頓冷、度愁易、感舊遊、難覓、

天開畫圖綉壁看嵐光似染雲翠凝滴帶暝色
飛入清吟為小駐蘭橈快尋芳後細躡苔階怕
踏碎白雲狼籍恨蕭蕭暮烟細雨又還送客

蒲庭芳

余家園有蘭花開時未著葉
案然可愛勉夫同賞訊余此卷
於譜中何所屬余以為木蘭之別種
也勉夫即席賦余輒和之

粉膩湯泉春溫肌粟六銖初掛慵粧烟臯露曉
異譜各傳芳月地相逢縹緲細疑佇玉潤酥香
瓊姬意難憑木筆寫恨寄玉郎蘇臺雙樹老
當年刺史看似尋常夢蘭如此客不共飛觴堪
憐田家姊妹黥焦悴長伴芙蓉應難比仙姿淡

雅裙幅瀟湘

南柯子 嘲阿聰

玉雪娟娟秀鉛華淺淺塗生兒何事苦憐渠柰
此綉縹珠絡小於菟轉眼長過戶他年畫作
圖門生不用舉藍輿看我醉眠牛背阿聰扶

靜春詞畢

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------

鳴鶴餘音

蘇武慢十二首

雍虞集伯生

全真馮尊師本燕趙書生游汴遇異
人得仙學所賦歌曲高潔雄暢取傳
者蘇武慢十篇前十篇道遺世之樂
後十篇論脩仙之事會稽費無隱獨
善歌之間者有凌雲之思無復流連
光景者矣予山居每登高望遠則與
無隱歌而和之無隱曰公當爲我更

作十篇居兩年得兩篇半殊未快意也昭陽協中之年當嘉平之月長兗之官羅浮余與客清江趙伯友臨川黃觀我陳可立游東叔吳文明平陽李平幼子翁歸汎舟送之水涸轉鄱陽湖上豫章遇風雪十五六日不能達三百里清夜秉燭危坐高唱二三夕間得七篇半每一篇成無隱即歌之馮尊師天外有聞能乘風爲我一來聽耶明春舟中又得二篇併無俗

念一首後三年仙游山彭致中取而刻之與瓢笠高明共一咲之樂也道

園道人虞集翁生記

自咲微生凡情不斷輕棄舊磯垂釣走馬長安聽鶯上苑空負洛陽年少玉殿傳宣金鷲陪宴屢草九重丹詔是何年夢斷槐根依舊一策江表天賜我萬疊雲屏五湖煙浪無限野援沙鳥平明紫閣日宴玄洲晞髮太霞林杪蒼龍騰海白鶴衝霄顛倒一時俱了望清都獨步高秋風露洞天初曉

其二

掃盡風雲，掉開塵土，落得半丘藏拙。青松爲蓋，白石爲床，一切物情休歇。幾度蓬萊，布袍長劍，閒對海波澄澈。是誰家酒熟，仙瓢邀我，共看明月。歸去也，玉宇參差，銀河耿耿。鐵笛一聲，山裂。三花高擁，九炁彌羅，縹緲秦清瑤闕。手把芙蓉，凌空飛步，今夜幾人朝謁。便翻身，死斗爲杓，徧散紫甌香雪。

其三

山月來時，海風不動，平地玉樓瓊宇。桂子飄香，

露華如水，自按洞簫如縷。香冥冷灑。青鳥解傳芳語，太微中、鸞鶴相求。盡是舊時真侶。君聽取，列豹重閔，鼓雷千吏。天界更多官府。石女簪花，木人勸酒，爲我此間聊住。高唱微吟，揮毫萬丈，塵世等閑今古。看空山一色青，何意斷雲殘雨。

其四

皓月清霜，釣舟如葉，閒渡小溪澄碧。銀漢無聲，玉虹橫野，斗柄正垂天北。半幅烏紗，數根華髮，一網野鳧飛鳥。問回仙城南，老樹能見幾何今。

昔西華頂十丈高花九天秋露結就翠房搖
實脫屣非難凌空何遠三咽雪融水液辟穀神
方食霞真訣一去更無消息笑人間長住虛空
誰侶一輪紅日

其五

放櫂滄浪落霞殘照聊倚岸迴山轉乘鴈雙鳧
斷蘆漂葦身在畫圖秋晚雨送灘聲風搖燭影
深夜尚披吟卷筭離情何必天涯咫尺路遙人
遠空自咲洛下書生襄陽耆舊夢底幾時曾
見老矣浮丘賦詩明月千仞碧天長劍雪霽瓊
樓春生瑤席容我故山高寒待鷄鳴日出羅浮
飛度海波清淺

其六

對酒當歌無愁可解是个道人標格好風過耳
皓月盈懷清淨水光山色世上千年山中七日
隨處慣曾爲客盡虛空北斗南辰此事有誰消
得曾聽得碧眼胡僧布袍滄海直下釣絲千
尺掣取鯨魚風雷變化不是等閑奇特寒暑相
推乾坤不用歷劫不爲陳迹可憐生忘却高年
長伴小兒嬉戲



其七

憶昔坡仙夜游赤壁孤鶴掠舟西遇英雄消盡
身世茫然月小水寒星大何似漁翁不知今古醉傍
蓼花燃火夢相逢羽服翩翩未必此時非我誰解道
歲晚江空風帆目力橫槩賦詩江左清露衣裳晚風
洲渚多少短歌長此玉宇高寒故人何處渺
身懷無那嘆乘桴浮海飄然從者未知誰可

其八

十載燕山十年江上慣見半生風雪對雪無舟
泛舟無雪不遇並時高潔斷港殘沙今茲何夕

一似剡溪歸越但掀蓬數丈梅花人跡鳥飛俱
絕君不見五老危巔浮丘絕頂咲我早生華
髮返老還童易麓為妙定有九還丹訣霽景浮
空天光眩海一體本無分別便堪稱六一仙公
千古太虛明月

其九

歸去來去昨非今是惆悵獨悲奚語迷途未遠
晨景熹微乃命導夫先路風颺舟輕候門童稚
此日再瞻衡宇酒盈尊三徑雖荒松菊宛然如
故聊寄傲與世相違舊交俱息更復駕言焉

取琴書情話尋經兵倦鳥岫雲容與農人告
我有事西疇孤權賦詩春雨但樂夫天命何疑
乘化任渠留去

其十

六十歸來今過七十感謝聖恩嘉惠早眠晏起
渴飲飢餐自己了無星事數卷殘書半枚破硯
聊表秀才而已道先生快寫能吟且是去之遠
矣沒尋思挂个青藜靴雙芒履走去渡頭觀
水逝者滔：來之滾：不覺日斜風細有一漁
翁驀然相喚你在看他甚底便扶携穿起鮮魚

博得一尊同醉

博

其十一

一徑通幽画屏橫翠行到白雲深處世外蟠桃
井邊嘉橘別有種萱瑤圃檀板輕敲素琴閒弄
奉獻鳳膏麟脯舞翩：鶴髮飄：仍似舊時仙
母君看取華屋神仙滿堂金玉此是螭螭朝
暮五色蓬萊九秋鷓鴣別有出身之路酒熟麻
姑雲生巫峽稽首洞天歸去任海波清淺無時
何處綠窓雲戶

其十二

雲淡風輕傍花隨柳將謂少年行樂高閣林間
小車城裏千古太平西洛瞻彼決言思君子
流水儼然如昨但清遊天際輕陰未辨暮愁離
索長記得童冠相隨浴沂歸去吟咏鳶飛魚
躍逝者如斯吾衰甚矣調理自存斟酌清廟朱
絲舊堂金石隱几侶聞更作農人告我
有事西疇窈窕掛書牛角

無俗念

十年窓下見古今成敗幾多豪傑誰會誰能誰
不濟故紙數行明滅亂葉西風遊絲春夢轉

無休歇爲他憔悴不知有甚干涉寥無住
閒身盡虛界一片中宵月雲去雲來無定相月
亦本無圓缺非色非空非心非佛教我如何說
不妨跬步蟾蜍飛上銀闕

鳴鶴餘音畢

附錄馮尊師十首

蘇武慢

飯了從容消閑策杖野望有何憑仗帆掃遠浦
鷺立汀洲千樹好花微放芳草池塘錦江樓閣
隱雲埋青嶂向東郊極目天涯不見故人惆

張
歸去也翠麓崎嶇林巒掩映消遣晚來清
况幽禽巧語弱柳搖金綠影小橋清響揮掃龍
蛇領略風光陶寫丹青吟唱這雲山好景物外
煙霞幾人能訪

其二終焉

返照迴光終焉活計何處可爲依託凋零鄭圃
竹塢松溪林下勝遊行樂霞友雲朋水色山光
幽隱煙蘿巖壑更堂氣槩摩天一點浩然寥
廓堪愛處蝶戲花梢苔生石徑風細日高簾
幕清虛器量咀嚼乾坤高邁市朝歡約踈葛寬

裁瘦玉橫拖嘯傲東籬吟酌把真情欲寫柰何
塵世故人蕭索

其三歸閑

識破塵寰凡籠跳出飄蕩幸無拘束洋蹤自在
雅操孤高還若野雲麋鹿遇坎乘流混俗和光
知止有何榮辱恣陶海上人間不管歲華催
促從此後筆硯生塵蠅蛙絕念安分翠微雲屋
般放下事都休靜對小軒梅竹一味踈慵
萬古淳風便是真常清福任群晝夜世俗奔波
競爭鬪觸

其四得悟

夢斷槐宮倚天長。嘯勘破物情今古。擔簦映雪，射虎誅龍，曾把少年身誤。金谷繁華，漢苑秦宮，空有落花飛絮。嘆浮生終日忙，誰肯死前回顧。爭似我玉麈清談，金徽雅弄，高臥洞天門戶。道遙呖，畝肆任情懷，閑伴蓼汀鷗鷺。收拾生涯，紫蟒黃柑，江上一策煙雨。醉歸來，依舊蘆花深處，月明幽浦。

其五通真

試問禪關，叅求無數，往往到頭虛老。磨磚作鏡，積雪為糧，迷了幾多年少。毛吞大海，芥納須彌，金色頭陀，微咲悟時，超十地三乘，凝滯四生六道。誰聽絕相巖前，無陰樹下，杜宇一聲春曉。

曹溪路險，鷲嶺雲深，此處故人音音。千丈冰崖，五葉蓮開，古殿簾垂，香裊。危葛藤叢裡，老婆遊手，夢魂顛倒。

其六明道

出世登真，須憑剛志，決要頓開靈慧。消塵止念，絕愛忘憂，恬淡自然，知味。雷震一聲，火發三田，半夜鳥飛千里，透簾幃，鉛鼎溫。恣飲玉壺香。

賦。堪下手策鳳攀。馮烹金間木。遊瀆洞房佳。
瑞傾光吐秀。塞海衝山真氣。遍充天地。乘履風
雲。摘騎日月。不比尋常兒戲。把玄珠收取。大羅
歸去。聖賢同地。

其七 施設

大道幽深如何消息。說破鬼神驚駭。挾藏宇宙
剖判。玄元真樂。世間無賽。靈鷲峯前寶珠拈出。
明顯五般光彩。照乾坤上下。群生知者。壽同山
海。最至極翠靄。輕分瓊花亂墜。空裏結成雲
蓋。金身玉骨。月帔星冠。符合水晶天籟。清靜門

庭聖賢風範。千古儼然常在。願學人達此希夷
微理。共遊方外。

其八 退藏

避世安時。同塵處順。淵默至人。誰識鷓居鷺食。
蘇運蘿龕深密。養廉寧極。浮定有宜。出入無方。
逆順神機難測。樂箏瓢。咲傲林泉。未肯折腰形。
役當此際。斐几松軒。唇歌舌彈。渴飲玉壺春色。
一懷皓月。兩袖清風。真箇中消息。方外生涯。
靜中意味。不許等閒攀摘。待迷雲吹散。玉繩高
潔。自知端的。

其九

堪歎群情迷津宛轉飄蕩甚時休歇爭頭競角
祇死漫生一向戀家貪業利鎖名韉慾浪恩山
酒市花衢顛魔騁儂似蟻循環不念鬢華如
雪誰肯向大朴林中無爲鄉裏閑伴老聃莊
列珠獲罔象夢斷華胥高枕洞天日月三界廓
然八表冲虛湛靈光通徹這道遙劫外妙哉
真樂世間難說

其十

過隙年光如毛塵事暗把物情移換浮生擾擾

背覺隨塵酒色利名縈絆憑君看取歷代英雄
楚越周秦唐漢謬遺留壞塚頽碑千古是非不
斷聞早悟碧玉壺中白雲堆裏別有翠霞宮
殿三天雅會五彩光攢朝赴紫微瓊宴閭苑瑤
池絳闕清都信任逍遙游翫咲愚頑苦海販骨
無休往來流轉

其十一

悟入曹溪鶴冲霄漢雲水道人活計臨川舉楫
對境擲釣滂漉錦鱗紅鯉風送漁舟透入雙峯
影裡駭然明霽見煙霞極目金丹一粒貴珍難

此。玄妙處太一含真。玄元成象。昇降箇中無
滯。堅持九載。志鍊三千。精進五華。瓊液都在靈
源。洞徹神光。真境了然。超彼長信。生久視天機
深奧。上仙真理。

其十二

創建靈壇。初脩丹竈。保養太和。真命風生。虎嘯
火起。龍騰燮理。要依時令。金木交并。斗斡天關。
旋繞滌除。心徑覩玄珠。一粒流霞。閃爍送歸金
鼎。壺內景造化。希夷玄機。要妙點製。魄仙魂聖。
元中體用。旨裏明真。悟得本來。真性還返。無窮

漸入青陽仙境。照盈虛靜。這一輪明月。百年蒙
蔽。豁然開瑩。

其十三

運氣吞霞。乘風飲露。湏列五行。爲則南山。赤鳳
北海。烏龜。堅志用心。求得鉛汞。相迎造化。爐中
烹就。一九端的。這陰陽神用。虛無長養。浩然真
息。玄閑。快到此方。知音聾耳目。得過至人。開
剔。用符妙道。默運玄機。瓊液轉流。增益雲水。清
閑太虛。空寂寥廓。本無蹤跡。這金丹一訣。平生
疑難。渙然冰釋。

其十四

日月高奔金波滿汎七返九還延祚真精應物
大道潛身恍惚妙通玄路直待陽生造化神丹
龍虎紫宵天府這瑤函寶篆天機須仗至人開
悟長生道固蒂深根仙家活計烹鍊永銘爲務
鑪輝五彩鼎耀三光識取本來宗祖明月樓前
觀箇金蟬飛舞翠峯明字把凌雲一志精誠進
上仙科舉

其十五

元氣冲飡麻衣遮體萬事轉頭何濟黃芽白雪

黑水紅雲軒帝注傳名世深謝名師說破希夷
妙理本來精輝抱仙胎養就雲鏃繚繞萬神咸
備持造化箇圓成人具足一炁返還資
質周游八景徧賞三山不離目前親詣堪嘆迷
途豈識陰陽宗祖任教邪魅煉金丹志是乾坤
英秀間生豪氣

其十六

絕粒停厨殮霞飲露返照自然相制鉛生五彩
汞發三光方顯大丹苗裔開啓朱扉躍出金烏
飛入玉蟾宮裏把陰陽交會神鍾烹就浩然真

體。虛元內紫炁盤旋。玄珠閃爍射透。混成宗
睿忘機。脩道隨跡。求仙常默。心無凋弊。貪恋榮
華。誤了赫。神丹恣情拋棄。有人。識道專精
謹守。決然超彼。

其十七

洞曉玄機。深明丹奧。賴與祖宗符契。龍耕虎種
玉液金芝。好箇道家活計。丹竈容光。覩箇嬰兒
旋繞。驚天駭地。馭紫雲翠鳳。相迎真的。上仙苗
裔。三陽首玉藥。天香琪花寶樹。掩映瑞雲佳
麗。天光灑灑。桂影扶踈。鯤化大鵬相勦。休謂狂

言性理。分明消息。至人才藝。在英豪決烈。精誠
果敢。性情高志。

其十八

志氣凌雲。精神英秀。得脫遍求真理。虛空鑪火
自己天真。遭遇便能脩製。師不高明。咫尺如隔
千里。安分真偽。這黃芽赤髓。時人皆有。奈何遇
昧。真烈士。幹運機關。鑿開混沌。奪得夜明如
意輝。寶蓋赫。靈光影隱。大淵無滯。休縱心
猿。盜了金鼎。還丹謾勞。虛費起三陽真火時。
烹鍊九還。逃避。

其十九

冒雪衝霜迎風沐雨得遇至人開悟通微入妙
起死回生可謂鍊丹規矩離坎相交反覆陰陽
須籍木龍金虎把乾坤鼎器五行羅列真卦真
土。玄妙處種就黃芽燒成丹藥此理向誰分
訴。玻璃鳳孕碧玉籠珠飛出瑞雲深處掣雷搖
空。諕得三尸奔走六賊逃出顯仙胎飛舞五雲
繚繞樂聲齊舉。

其二十

靜室脩心雲山養道幾箇遇人傳訣鑪攢八卦

鼎備三才脩建道家基業陰與陽并幹轉樞機
施走虎龍盤結這天機逆順學流不曉豈能分
別。希夷理瑞氣騰。祥雲靄。紫霧罩籠金
闕。千神咸備萬化全成方應大丹熟也琪樹瑤
花遍滿虛無真景翠紅相列觀心澄曉月清風
滿目洞天清徹。

附錄畢

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------

晦菴詞

李處全 粹伯

水調歌頭

丁丑歲吳門為外舅蔣宣卿壽

金節照南國，画戟壯陪都。麗譙鼓角，霜曉雄勝
壓全吳。葱蒨採香古徑，縹緲折梅新奏，春事早
閑渠。誰識使君意，行樂與民俱。披綉幌，薰寶
篆，引瓊酥。黃堂富暇，賓幙談笑足歡娛。看取十
行丹詔，遙指五雲深處，歸路接亨衢。玉佩映鴛
綴，不老奉軒虞。

又送王景文



上馬趨携酒送客古朱方。秋風斜日山際低草
見牛羊。酩酊不知更漏，但見橫江白露清映月
如霜。平曉廣寒殿，誰說路岐長。醉還醒時起
舞，念吾鄉。江山爾耳，回首千載幾興亡。一笑書
生事業，誰笑管城居士，不換碧油幢。好在中冷
水，擊節奏伊涼。

又

明月浸瑤碧，河漢水交流。偏來照我，知我白髮
不勝愁。客裡山中三載，枕上人間一夢，曾憶到
瀛洲。矯首逢壺路，兩腋已飈颼。記扁舟，浮震

澤。趣中秋。垂虹亭上，與客千里快疑眸。看劍引
盃狂醉飲，水曲肱高卧。鵬鷄本同遊。起舞三人
耳，橫笛喚沙鷗。

又
冒大風
渡沙子

落日暝雲合，客子意如何。定知今日封六異，二
美干戈。四望際天空闊，一葉凌濤。掀舞壯志未
消磨。為向吳兒道，聽我扣舷歌。我常欲利劍
戟，斬蛟龍。胡塵未掃，指揮壯士挽天河。誰料平
生憂患，成就如今老態，白髮逐年多。對此貌無
恐，心亦畏風波。

又

春事已如許，柳眼早依依。故園桃李，何似芳藥想團枝。此地高高名里，信美元非吾土，清夢遠。灑伊扶杖欲行樂，還使我心悲。對琴書歌一闋，引千危。昔曾擊楫，今日投老，嘆吾衰。睡起推窗凝睇，失喜柔桑微綠，便擬作春衣。搔首長吟處，此意有誰知。

又
白梅

微雨眼明處，春信著南枝。百卷頭上消息，為我赴襟期。松下凌霜古幹，竹外橫窗疎影，同是歲

寒姿。與取我曹賞，莫使俗流知。對風前看雪後，總相宜。碧天如洗，何許羌笛月邊吹。一段出群標格，合得水仙兄事，千古豫章詩。鼎鼐付佳實，終待麥秋時。

又
前篇既出，諸君皆有屬和，因自用和。

飛雪已傳信，瑞葉本分枝。莫嫌開晚，前月曾付小春期。誰道梳風洗雨，不許調脂弄粉，容易浣天姿。眼界未多見，鼻觀已先知。昔西湖今北客，各從宜。要渠爛熳，趣得暖律為渠吹。猶記石亭攀折，渾似揚州觀賞，清興欲尋詩。三嗅不離

手如得和篇時

又除夕

今夕定何夕。今夕歲還除。團樂兒女盡情登火
照圍爐。但惜年從節換。便覺身隨日老。蹤跡尚
沉浮。万事古如此。聊作旧菟符。任東風吹縞
鬢。戲耀儒韶。顏壯齒。背人去。似隙中駒。盃酌猶
傾。鵬酒滿。箭已傳春夜。何處不歌呼。惟願長最
健。命醕且歡娛。

又慶州烟雨樓落成
欲就中秋後值雨

樓觀數南國。烟雨壓東州。溪山雄勝。天開圖畫

肖瀛洲。我破瀛洲客。夢來剖仙都符竹。樂歲又
三秋。聊作幻師戲。肯遺後人愁。趁佳時。招我
輦。共疑眸。君侯曾次一。整意匠。付冥搜。刻日落
成華棟。對月難并清景。千丈素光流。老子興何
極。小子趣觥籌。

滿江紅鎮安女
兄弟生日

清曉高堂。春晚處。舊紅新綠。聳曩昔。蟠桃初種。
更并潭菊。強健老人松下鶴。森榮孫子霜中竹。
看共持壽筭。祝期願。傾醅醑。烘晴晝。爐烟馥。
連永夜。笙歌簇。喜一時歡意。何人兼足。早願諸

生戍宅相便從明歲閑湯沐向年今日度新
腔調仙曲

臨江公木犀

疇昔方壺遊戲地群仙步履相從明黃衫子御
西風珮環金錯落羽葆翠璫瓏騎鵠翩然歸
去路吹簫橫度青峯夜深河漢冷秋容前驅香
十里飄隨月輪東

念奴嬌

京口上元雪
夜招唐元明

一天春意趁東皇幽賞重飛瑞葉造物有心成
偉觀未伴紅葉開徹桂魄初圓梅腮全放節物

俱竒絕冷官門巷望中北園樓堞邀想蓬底
高人擁衾無寐九回腸增結我亦低窓翻蠹紙
失喜瑤花盈尺擁鼻孤吟搔首危坐所欠惟佳
客須君來此臉紋相對生頰

滿庭芳

初夏

乳燕將雛啼鶯求友江南梅子黃時欲晴還雨
烟外看成絲迎袂風來麥隴吹餅餌香入書帷
行吟處溪翁說我不似去年衰方池荷出水
朱榴倚檻粉籜穿籬有吾曹我輩把酒尋詩醉
去黑甜一枕爐烟裊花影斜暉家山樂南窓寄

傲唯有悔菴知

鷓鴣天

社日落成烟
雨樓二首

烟雨冥冥、趣落成、只應天欲稱佳名。萬絲明滅
青山映、匹素濃纖、淥水縈。民亦樂、美能并酒
杯、莫惜十分傾。要知社下平生志、觴政聊須為
主盟。

又

縹緲危樓百尺雄、淡烟疎雨暗簾櫳。偶妨清賞
中秋夕、為意名言、玉局翁。賢達意古今同涼
天佳月會相逢。老蟾一躍三千丈、却喚姮娥駕

閨風

柳梢青

茶

九天圓月、香塵碎玉、素濤翻雪。石乳香甘、松風
湯嫩、一時三絕。清霄好畫歡娛、奈明日扶頭
怎說。整頓頰山、殷勤春露、餘甘齒頰。

又湯

餘甘齒頰酒、半酣漏聲頻促、月下傳呼、風前
慘別無因、留客。丁寧玉笋磨香、為料理十分
醒著、後會何時、歡未盡、明朝重約。

朝中措 夜坐有感

晦菴四至似天寬生計有心田閑弄爐薰茗椀
因尋紙帳蒲團商山橘隱須弥芥納容與湖
天誰笑先生貧窶東籬無數金錢

又初夏

薰風庭院燕雙飛園柳轉黃鸝是處蜂狂蝶亂
元來綠暗紅稀衫籠白苧琴推綠綺滿眼新
詩好箇江南風景杜鵑猶自催歸

菩薩蠻續前意時溧陽之行有日矣

杜鵑只管催歸去知渠教我歸何處故園淚生
痕那堪枕上聞嚴裝吾已具泛宅吳中路弭

揖喚東鄰江東日暮雲

又中秋已近木犀未開戲作菩薩蠻以催之西湖有車輪山名柳氏云三秋

桂子山名載于圖經余頃為郡掾嘗見之

晦菴老子修行久問禪金粟曾回首截竹是禪
機吹破粟玉枝西湖秋好處承得昭陽露香
透月輪低來薰打坐時

又菊花

四時皆有司花女抄秋猶見花如許想得紫金
丹工夫造化間春鶯留弱羽更清薔薇露莫
取落英殮留供醉眼看

浣溪沙

見華欲九日詞而尚遠用滿城風雨近重易填成浣溪沙

宋玉應當久斷腸，滿城風雨近重易年。戲馬憶吾鄉。催促東籬金盞放，佳人更綉紫萸囊。白衣方到共飛觴。

西江月

重陽再作

窻戶風薰端午，樓臺月滿中秋。陰晴寒暑摠無憂。幾事不如重九。落帽何羞種。看山都付悠悠。黃花已作醉鄉遊。夢覺黃花在手。

又為藥

婢、粧樓紅袖亭。將鬪青油東黃天巧世與

侍。定有司花妙手。十里香風曉。霽千家綺陌

春遊竹西路。轉古揚州歌吹。只應舊

又

二月旦侍女兄遊高齋

南國一分春色。東窻八面光風。女兒歡笑酒樽同。滿眼兒孫群從。但願年踰百歲。何妨時醉千鍾。朱顏綠髮照青銅。要有如龍如鳳。

生查子

拒霜花

庭戶曉光中。簾幙秋光裡。曲沼綺疏橫。幾處殘粧洗。紅臉露輕勻。翠袖風頻倚。鸞鑑不須開。自有窻前水。

又正月十六日
周仲先勸酒

溫柔屬東南，和冷輕三五。幾夜德星明，果應荀
陳聚。分虎屈雄姿，展驥淹遐步。除詔已塗芝，
便看朝天去。

減字木蘭花

預作菊詞俾歌
之時至以侑酒

今年菊早，想到重陽花政好。玉冷金寒，全似東
籬挹露看。色莊香重，直與梅花堪伯仲。待與
淵明三友相送，蓋為傾

又詠木犀

誰將翡翠間，肩黃金攄巧思。綴就花鈿，飛上秋

雲入鬢蟬。一枝斜倚披拂，香風多少。意午鏡

重勻嬌額，粧成宮樣新。

又

甲午九月未
在婺州韓
守坐上和陳尚書韵

更生觀盡雙壁薰葭，那敢並四海無人笑語從。
容許我親，平生此客，復與太丘登。醉白病裏
顰眉，貪看怪騎馬歸。

相見歡

見月聞笛
八月五夜

新涼襟袂冷，然乍晴天。風送誰家羌管，月便娟。
雲散盡，秋空碧玉鈎懸。洗耳時聽三弄，等團
圓。

得望

江城子 重陽

一番風雨一番涼，烟秋光。又重陽。瀟灑東籬，渾
學漢宮粧。今日且須開口笑，花露裊，鬢雲香。
潑醅新取淡鴉黃，趣幽芳。趣飛觴。落帽當時，重
發少年狂。万事破除惟有此，塵外客，醉中鄉。

阮郎歸 寮生朝

佳人偏愛菊花天，玉釵金附蟬。歌聲縹緲紫雲
邊。博山沉水烟。須斗酒，泛觥船。乃翁能百篇。
高堂此會看年三，夜深入醉眠。

憶秦娥 海棠

春山寂，佳人凝笑山南陌。山南陌，東風寒淺，絳
羅衫窄。闌干倚處雲如幕。晚來雨過燕脂滴。
燕脂滴，啼妝難勸，且須歡伯。

又

鶯花寒，為渠遊冶長安陌。長安陌，今朝風景，酒
腸寬窄。錦茵閑把薰籠幕。嫩紅倚綠嬌如滴。
嬌如滴，古今高詠，老泉仙伯。

好事近

秦蓀

香雪弄春妍，柳外黃昏池閣。要看月華相映，捲
東風簾幙。更傾壺酒伴芳姿，名字勝桑落。直

與嶺梅兄弟是醜醜酥酪

驀山溪

梨花過雨，已是春強半。花惱欲顛狂，興渾在秋
千架畔。搔頭無語，斜日上簾櫳。飛上下，語呢喃。
又見雙雙燕，魚吹細浪，鏡面搖歌扇。藉草倒
芳樽，襯香茵。落紅千片，追奔蠲角，回首醉初醒。
逢節物，且歡娛，莫待流年換。

卜筮子

春事憶松江，江上花無數。一枕忽忽醉夢中，芳
草腥庵路。携手度虹梁，洗眼看漁具。盃豉尊

羨是處無早買扁舟去

又即席奉
女兄壽

芍藥鬪新粧，楊柳飛輕雪。著意番連不放春，已
向東皇說。况是謫仙家，自有長生訣。方士呼
來借玉蟾，要吸盃中月。

訴衷情

疎烟明淡雨如膏，青入燒痕初。開到無言，飛李
春事喜敷腴。隨杖屨，有琴書，酒盈盃。風前花
下，睡起醒時，著我藍輿。

醉蓬萊

毛氏女兄生朝
三月二十八日

政餘春春、首夏駸、清和時候、曉色瞳矐瑞
靄凝軒牖、著子青梅、裊枝紅藥、物、俱情厚、綠
綺朱絃、檀槽鉄撥、華堂稱壽、季父高懷、慶鍾
吾姊、富貴長年、自應兼有、更看諸郎、謝砌芝蘭
秀、蚤晚成名、雁行親鄰、無忌勝如、舅沉瀝朝霞
蓬萊弱水、釀為春酒

賀新郎

和俞叔夜七夕

秋意生何許、對玉鈎、微雲避舍、素風吹暑、銀漢
橋成天路、穩乾鵲聲、媚嫵送仙仗、年年須度
離合悲歡、多少話、想今宵、綰綰難深、訴千古恨

無新故、聊須作意成歡緒、為佳時、金針戲把
翠觴頻舉、莫念匆匆、輕摻袂、天上元無間阻、况
好是新涼、庭戶倦客天涯、嗟老大、趁珠簾、綉額
高樓處、乞些巧、調兒女

又再和

心事誰知、訴政吾曹、摘辭弄翰、邀涼蠲暑、節物
於人俱可喜、今夕渠偏媚、嫵笑曝腹、書生風度
河鼓天孫、非世俗、縱驚雲急雨、休輕訴、憶傾蓋
便如故、良辰歡意、寬離緒、稱公家、瑤臺縹緲
霓裳、掀舉、應想塵寰、空張望、月路誰曾、隔阻是

處有綺窓朱戶我愛五湖烟水閣待扁舟尋到
堵機處訪婺女共須女

四和香立春

香雪漸苞偏勝韻領袖催花信華節良辰人有
分看士女蟠垂髻莫向春風尋舊恨樂事隨
方寸眉壽故應天不吝浮太白吾無悶

玉樓春守歲

年光箭脫無留計才過立春還守歲要知一歲
已尋儂聰打箇驚人噴啾椒盤薦壽休辭醉
坐聽爆竹渾無寐明朝末後飲屠酥白髮從渠

相點綴

南鄉子除夕又作

和氣作春妍已作寒歸塞北天歲月翻人老
矣華顛膽冷更長自不眠節物映枰盤柏酒
香浮白玉船捧勸大家相祝願何言但願今年
勝去年

晦菴詞終

相志平

書中白王... 蘇...

...

...

...

...

